

溫江縣志卷二十七

列女

節婦 烈女

雙節 貞女

烈婦 孝婦

旌節婦第一

明

李氏 邑孝廉湖廣桃源知縣劉昺母夫早亡氏  
堅志守節教子成名旌表建坊曰節烈冰霜  
徐氏 邑民田汝均妻夫亡氏年二十二服闋詣  
夫墳痛哭辭翁姑還室堅卧不起水漿不入口七  
日而死事聞院司表其閭

溫江縣志

卷二十七

列女

鄭氏 邑民何志聰妻因已無子為夫置妾夫止  
之強為納焉氏旋舉二子妾亦生一子均愛如己  
出夫亡尤勤撫字成立婚娶拓治產業三子均分  
或問之曰理固應爾庶有顏見夫於地下也

國朝

李氏 邑民周耀隆妻年二十八夫亡氏身親桑  
麻勤劬紡績苦志教子及孫璜名列膠庠勞勩猶  
昔親鄰貧寡無依者輒濟之五代一堂守節七十  
五年壽百有三歲建坊旌表曰貞壽之門



胡氏 邑民周繼統妻夫歿氏年二十矢志守節  
姑病篤割股以進旋愈撫孤成名旌表建坊

李氏 邑生員盧張志母子歸三載夫歿氏矢志  
守節姑嘗患病氏進藥必先嘗薰香滌穢衣不解  
帶撫子英年入泮家法嚴整一室雍和苦節三十  
餘年事聞立坊旌表

周氏 邑庠生楊慎修妻夫亡氏年二十一欲相  
從地下族黨再三勸免矢志守節奉養翁姑無忝  
孝思苦節六十五年旌表入祀

溫江縣志

卷二十七

列女

二

張氏 邑庠生曹抃妻夫亡氏年二十六貧不能  
葬撫遺孤教訓成立守節四十三年年八十餘旌  
表入祀

鄒氏 邑貢生竹爲成妻夫亡氏年二十四矢志  
守節事姑盡孝撫孤子函中成名苦節三十七年  
旌表入祀

李氏 邑民冉瑗妻夫亡氏年二十四矢志守節  
孝養純篤撫子宏仕入成均中歲復夭遺孫蘊華  
食邑餼苦節五十九年旌表入祀



許氏 邑生員張士榮妻夫亡氏年二十五紡績自活孝事翁姑姑憐其少勸改節不從撫孤成立旌表入祀

陳氏 邑生員劉觀祖妻夫亡氏年二十六矢志守節紡績奉姑節孝雙全旌表入祀

稅氏 邑民張若楷妻夫亡氏年二十八矢志守節撫二子俱入泮旌表入祀

李氏 邑監生薛掄元妻夫亡氏年二十一遺孤麟公矢志守節嘗因夫之祖父母及翁墓有水患

溫江縣志

卷二十七

列女

三

擇地改遷奉事衰姑極盡孝道撫孤入成均旌表入祀

伍氏 邑民李抒會妻夫歿氏年二十六矢志守節奉事翁姑克盡孝道旌表入祀

胡氏 邑民陳韶妻夫亡氏年二十一撫孤成立名列膠庠事姑盡孝白髮完貞旌表顯揚

馬氏 邑民李文夔妻夫亡氏年二十二矢志守節奉事翁姑克盡孝道訓子入邑庠閭里稱賢孝

焉旌表顯揚



陳氏 邑民屈師宓妻夫亡氏年二十四矢志守節事姑盡孝撫子溥援例貢生苦節六十餘年旌表建坊

文氏 邑民鄆瓊瑤妻夫亡氏年二十六遺子彥甫三日矢志守節教子成立卒年七十六旌表建坊

何氏 邑人成都府學生員稅瑄妻瑄卧病氏晝夜侍藥衣不解帶及瑄歿欲刎頸以殉姑力救乃免誓不改節孝養翁姑訓子成人鄉里賢之有司

溫江縣志

卷二十七

列女

四

表其門

旌表止

原志未旌表

鄭氏 邑民石士林妻夫亡氏年二十七泣誓守

節有欲奪其志者氏引刀自刎因救得免家赤貧操愈堅訓二子崇正崇先俱登鄉薦苦節三十餘年

李氏 邑孝子鄒璋妻夫亡長子甫十齡次子猶襁褓親黨欺氏孤弱垂涎家產百計圖謀氏外禦侮而內綢繆卒守故業撫子成人年七十餘終遠近賢之



夏氏 邑庠生張琬妻夫亡氏年二十三姑衰子幼堅志守節日事女紅竭力持家奉孀姑以終天年撫弱子以至成立卒年六十四

劉氏 邑民王師和妻夫亡遺一女氏矢志靡他孝事翁姑竭力奉養殯葬如禮因無嗣贅婿作子苦節五十餘年

張氏 邑庠生任朋萬妻夫亡氏年二十矢志守節奉事孀姑克盡婦道訓子入邑庠苦志五十餘年

溫江縣志

卷二十七

列女

五

王氏 邑廩生熊瑄母夫亡氏年二十餘子幼氏堅志守節奉翁盡婦道撫孤子入邑庠

馮氏 邑庠生萬岳妻夫亡氏年二十餘遺二子俱早殤家貧孤苦無依與其叔岳妻姒羅氏各守孤寡同室共爨以鍼黹自活苦節四十餘年

喻氏 邑庠生趙文年母夫亡氏年二十一子甫二歲矢志撫孤艱苦備嘗有欲奪其志者氏呼天毀容誓不改節教子成名儉勤終身

王氏 邑人松潘千總楊廷柱妻夫亡氏年二十



八矢志守節撫子成立孝養翁姑翁亡營葬如禮  
姑嘗患背瘡以口吮之又染寒疾刲股以進悉愈  
節孝俱全遠近賢之

文氏 邑民楊瑾妾夫亡氏年二十六生一子方  
數月誓不改節事姑敬謹撫嫡生子女如己出里  
黨稱賢

盧氏 邑監生吳玠妻夫亡氏年二十餘矢志守  
節撫孤洪經成立

向氏 邑民王繩祐妻夫亡氏年二十二堅志守

溫江縣志

卷二十七

列女

六

節孝養翁姑殯葬如禮因乏嗣贅壻作子依女度  
日苦志三十餘年

余氏 邑民宋大呂妻夫亡氏年十九無子未幾  
翁姑繼歿遂無所依寄食母家誓不再醮孤苦三  
十餘年

稅氏 邑民張經妻夫亡氏年二十二遺二子堅  
志守節撫孤成立俱入邑庠

王氏 邑貢生王頊姊傅姓妻夫亡無子歸依母  
家誓不他適紡績餬口飲水茹檠苦節五十餘年



陳氏 邑民郭士宏妻夫亡氏年二十三無子矢志守節孝事翁姑喪葬如禮

李氏 邑民路銘妻夫亡遺二女尙幼氏截髮自誓上奉翁姑下撫弱女及翁姑歿女繼適人猶獨居操作衣食自營四十年如一日

馬氏 邑庠生楊先相妻夫歿遺子圭璋方六月苦心撫育後入邑庠

王氏 邑民李需妻夫亡氏誓死守節撫遺腹子維翰後入邑庠

溫江縣志

卷二十七

列女

七

武氏 邑庠生王廷蕃妻夫亡遺二子次子佑甫數月氏冰操自勵敬奉翁姑訓二子俱入邑庠

杜氏 邑庠生梁國卿妻夫亡遺腹子梁棟氏矢志不二奉養翁姑教子成名

何氏 邑民何掄元之女苟英妻夫亡氏年二十一矢志守節孝養翁姑撫子成立里人稱賢

新增 已卒

覃氏 邑民馮萬瑞妻夫亡氏年二十九矢志守節孝事翁姑教養諸子成立長子世信入成均卒



年九十二

李氏 邑民李文極妻夫亡氏年三十赤貧無子翁姑早逝歸依母家矢志守節紡績成業撫族子自芳承祧爲娶王氏生孫榮秀子媳俱夭氏復撫孫成立援例從九品苦節六十八載卒年九十七

王氏 邑民文可壻妻夫亡氏年二十六家貧紡績度日孝事翁姑教子成人卒年九十一

羅氏 邑民張大謨妻夫亡氏年二十三遺孤舍英甫歲餘堅志守節身親紡績奉親盡禮撫孤成

溫江縣志

卷二十七

列女

八

立其後四世一堂門庭肅穆卒年八十九

王氏 邑民黃公遠妻夫亡氏年二十五撫遺子立志守節長子爲楷入成均次爲理亦克家卒年八十八

朱氏 邑民張春虔妻夫亡氏年二十五遺三子矢志守節孝事翁姑撫子成立卒年八十一

李氏 邑民羅羣英妻夫亡氏年二十遺子春富矢志守節孝養翁姑教子入成均子亦繼志好施於官莊壩捐義地二畝鄉里稱賢孝卒年八十



王氏 邑舉人毛豐妻夫亡氏年三十二教子如  
綸入成均次如綺入邑庠卒年七十八

袁氏 邑武庠岳川妻夫亡氏年二十四矢志守  
節撫子世祥入成均卒年七十五

胡氏 邑民蔣衡妻夫亡氏年二十二遺子承瑤  
尙襁褓矢志守節孝養翁姑撫孤成立卒年七十

二

黃氏 邑民尹鳳鳴妻夫亡氏年二十六遺二子  
矢志撫孤卒年七十三

溫江縣志

卷二十七

列女

九

趙氏 邑民袁咸熙妻夫亡氏年二十五遺子袁  
尹矢志守節撫孤成立卒年七十三

張氏 邑武庠黃現龍妻夫亡氏年二十七遺二  
子應陞紹忠矢志守節上奉翁姑下撫二子紹忠  
中戊午武科鄉試卒年七十二

官氏 邑民陳尙仕妻夫亡氏年二十一子思永  
甫數月矢志守節事親撫孤備極勤苦祖母翁姑  
繼歿喪葬盡禮子思永成立爲娶李氏生孫特陽  
思永旋夭遺腹生孫際陽甫一歲李氏復卒氏撫



孫成立特陽娶趙氏生子元欽際陽娶龐氏生子元柱兩孫夫婦皆亡元欽甫十五元柱甫十三俱氏躬親撫育當四代艱難之任苦節可風卒年七十二

何氏 邑民楊清隆妻夫亡氏年二十無子撫夫弟子天珍承祧教訓入邑庠卒年七十

萬氏 邑民盧萬壽妻夫亡氏年二十一無子矢志守節孝事翁姑二十餘年翁姑先後歿殯葬如禮既竣事苦無所依回母家終制完節卒年六十

溫江縣志

卷二十七 列女

十

九

高氏 邑廩生竹懋庸妻夫亡氏年二十三矢志守節撫孤廷珏成名卒年六十八

王氏 邑民劉翰丹妻夫亡氏年二十二無子撫夫弟心丹子廷璜爲嗣後入邑庠卒年六十八

鄭氏 邑民龔元泰妻夫亡氏年二十一遺腹子學維堅志守節奉事翁姑撫子成立婚配復天無所出氏孝行不渝與子在時無異卒年六十一

文氏 邑監生毛振妻夫亡氏年二十三矢志守



節孝事翁姑宅近楊柳玉石兩江衆艱涉氏捐三百餘金助建石橋其好善類如此撫二子德芳例貢生應芳從九品卒年五十四

周氏 邑民尹學先妻夫亡氏年十七生子甫數月矢志守節撫孤洪泰成立卒年四十七

新增 現在

高氏 邑民羅碧妻夫亡氏年三十八矢志守節撫兩子全惠全富全富援例衛千總氏現年九十  
林氏 邑民何國祥妻夫亡氏年十九子維城甫

溫江縣志

卷二十七

列女

十一

六月矢志守節家赤貧翁姑老紡績奉事喪葬如禮撫孤成立現年九十

羅氏 邑民文亨妻夫亡氏年二十二矢志守節孝養翁姑教子文杰援例衛千總現年八十四

劉氏 邑民宋慎妻夫亡氏年二十一矢志守節撫孤啟祥入成均現年八十四

李氏 邑民王世琦妻夫亡氏年二十九家貧紡績奉翁姑教子三錫入邑庠現年八十

袁氏 邑民顧維新妻夫歿於軍氏年二十六家



赤貧紡績資家計翁姑繼亡力殯三喪教子誦登  
賢書苦節可風現年七十八

陳氏 邑民劉瑞妻夫亡氏年二十二遺子國耀  
甫四月矢志守節撫孤成立現年七十六

車氏 邑貢生鄢瓊華妻夫亡氏年二十七遺三  
子矢志守節教子夢崑登賢書現年七十六

黃氏 邑民盧張典妻夫亡氏年二十四無子撫  
侄爲嗣矢志守節現年七十五

胡氏 邑民舒子斌妻夫亡氏年二十四子甫數  
月矢志守貞撫子舒璐成立現年七十五

濶江縣志

卷二十七

列女

十二

帥氏 邑民吳謨妻夫亡氏年二十六子體謙甫  
數月矢志守節食貧自甘教子入邑庠事衰姑克

盡孝道現年七十四

許氏 邑民陳文仲妻夫亡氏年二十四矢志守  
節撫三子俱成立現年七十四

譚氏 邑民余騰麟妻夫亡氏年二十二矢志守  
節撫孤成立現年七十四

吳氏 邑民楊廷聘妻夫亡氏年十九無子撫夫



兄子爲嗣教養成立現年七十三

楊氏 邑民何文粹妻夫亡氏年二十三誓不再  
醮撫三子俱成立現年七十二

李氏 邑民席仲妻夫亡氏年二十一矢志守節  
撫孤仕元成立現年七十二

蔣氏 邑民呂鳳翔妻夫亡於軍遺三子氏年二  
十四矢志守節事祖母及翁姑克盡孝道撫子成  
立苦節可風現年七十一

沈氏 邑民董治妻夫亡氏年二十餘遺腹子名  
子萃矢志守節撫孤成立現年七十

田氏 邑民夏世雄妻夫亡氏年二十五無子撫  
夫兄子龍章承祧教訓成名現年六十八

陳氏 邑民練廷釗妻夫亡氏年二十三矢志守  
節撫孤承周成立現年七十一

羅氏 邑民黃超奇妻生二女無子夫亡氏年二  
十五矢志守節二女先後俱殤伶丁孤苦始終貞  
一尤爲人所難也現年六十八

黃氏 邑民蔣萬明妻夫亡氏年二十三矢志守



節教子懷忠入成均懷孝援例州同現年六十八  
王氏 邑民幹時章妻夫亡氏年二十八矢志守  
節撫孤成立現年六十八

賀氏 邑民夏世元妻夫亡氏年二十矢志守節  
孝事翁姑撫子永聯成立現年六十五

蔣氏 邑民唐心典妻夫亡氏年二十二矢志守  
節勤敬慰翁姑撫子成立現年六十四

胡氏 邑附貢生龐琚妻夫亡氏年二十二矢志  
守節奉事翁姑克盡婦道撫孤延翼成立現年六

溫江縣志

卷二十七

列女

十四

龔氏 邑民李澤瀚妻夫客死於浙氏年二十五  
無子家貧殫力措資遣人扶櫬歸葬苦節可風現  
年六十四

王氏 邑民何之琳妻夫亡氏年二十四矢志守  
節孝事翁姑教子繩武入邑庠現年六十三

李氏 邑監生鄢映蘭妻夫亡氏年二十無子撫  
夫弟子際超承祧教誨成名現年六十三

覃氏 邑民袁綬妻夫亡氏年二十遺腹子文沛



撫養成立爲授室生孫天章燭章文沛復天身撫  
兩代遺孤艱辛備歷現年六十三

李氏 邑武舉黃應選妻夫亡氏年二十八矢志  
守節撫子廷仲入武庠現年六十三

宣氏 邑民朱世賞妻夫亡氏年二十四矢志守  
節撫孤成立孝事翁姑現年六十二

蕭氏 邑民梅振宇妻夫亡氏年二十六矢志守  
節撫孤廷玉入成均現年六十二

宋氏 邑監生田輔世妻夫亡氏年二十二子甫  
溫江縣志

卷二十七

列女

五

三月矢志守節撫孤杰登賢書現年六十一

何氏 邑民陳朝鳳妻夫亡氏年二十一子維順  
尙幼矢志守節孝事翁姑撫子成立現年六十一

孫氏 邑民李俊茂妻夫亡氏年二十二子彥珍  
甫三齡矢志守節撫孤成立現年六十一

凌氏 邑監生范際陳妻夫亡氏年二十三矢志  
守節事姑盡禮教子于蒿入成均現年六十

徐氏 邑民李長著妻夫亡氏年十九子文泰甫  
月餘矢志守節孝事翁姑撫子成立現年六十



楊氏 邑民汪世藩妻夫亡氏年二十三子大川

甫一歲矢志守節孝事翁姑教子入邑庠現年六十

張氏 邑民吳在中妻夫亡氏年十九矢志守節  
遺孤早殤撫夫弟子承嗣教訓成立現年五十九  
馬氏 邑民雷天培妻夫亡氏年二十一子永孝  
甫二齡矢志守節事翁姑以孝聞教子成立克家  
現年五十九

黃氏 邑民王文佑妻夫亡氏年十九子紹寧甫

溫江縣志

卷二十七

列女

六

一歲矢志守節持家勤儉教子成立里黨稱賢現  
年五十九

李氏 邑民李仲越妻夫亡氏年二十三矢志守  
節奉姑以孝教子以嚴子元貴援例貢生現年五  
十九

劉氏 邑民趙文瑞妻夫亡氏年二十矢志守節  
紡績事衰姑撫子思倫成立現年五十九

李氏 邑民王昭謨妻夫亡氏年二十子玉清尙  
幼矢志守節撫孤成立現年五十八



幹氏 邑民楊維燦妻夫亡氏年十九矢志守節  
撫孤敏魁成立奉事祖母孝聞於鄉現年五十八  
李氏 邑民楊茂柱妻夫亡氏年二十一遺一女  
甫五月矢志守節撫女遣嫁奉養翁姑尤爲盡孝  
現年五十八

馮氏 邑民郭芳藻妻夫亡氏年二十四遺腹子  
啟倫矢志守節撫孤成立現年五十八

朱氏 邑民曹廷仲妻夫亡氏年二十四無子矢  
志守節撫夫兄子志謙承祧教以義方家計豐足

溫江縣志

卷二十七 列女

七

現年五十六

黃氏 邑民高文儒妻夫亡氏年二十四遺一女  
矢志守節孝養翁姑克盡婦道猶勤紡績現年五  
十六

曹氏 邑民王開泰妻夫亡氏年二十一矢志守  
節孝事翁姑中外無間言撫孤友安成立現年五  
十六

曹氏 邑民羅陞富妻夫亡氏年二十餘矢志守  
節撫孤通章成立又嘗割股療姑疾孝稱於鄉現



年五十五

孫氏 邑武職余奉璋妻夫陣亡氏年二十八矢志守節撫孤元輔成立廕襲効力勉以勤勞現年五十四

敖氏 邑民盛心田妻夫亡氏年二十二遺腹子萬春矢志守節事翁姑盡孝撫幼子成名現年五十四

吳氏 邑民白森章妻夫亡氏年二十歲無子撫夫兄子宗賢爲嗣教訓成立現年五十四

溫江縣志

卷二十七 列女

六

趙氏 邑民楊蘊繼妻夫亡氏年十八父母欲奪其志氏盟心守節撫元配子成立常言必如此乃可見亡夫于地下現年五十二

涂氏 邑民江涵駿妻夫亡氏年二十二矢志守節孝養翁姑克盡婦道撫孤廷海成立現年五十二

李氏 邑民江涵珠妻夫亡氏年二十遺腹一子順海家赤貧翁姑俱早喪紡績度日歷盡艱辛現年五十



楊氏新繁縣科進士楊宏緒女邑貢生任雲南  
建水州知州葛運際妻氏年二十六夫歿矢志守  
節撫二子成名長子岷戊午科舉人次子如崧由  
行伍任督標外委達州陣亡氏年七十一而卒  
李氏廩生范玉清之妻夫亡氏年二十二矢志  
守節孝事翁姑撫子成立現年五十二

溫江縣志

卷二十七

列女

五



溫江縣志卷二十七

列女

雙節第二

國朝

林氏劉氏 林邑庠生張邦倫妻夫亡年二十七  
子甫三齡翁姑欲奪其志氏剪髮毀容誓不他適  
苦節三十八年其姒劉氏邦達之妻邦達亡氏年  
二十三夫遺一子旋殤或勸氏改節泣曰命薄如  
此若懷二心何以見夫子於地下願事翁姑以終

溫江縣志

卷二十七 列女

一

身同矢柏舟建有雙節坊

二張氏 邑民方天培之母與妻也天培父早亡  
氏矢志守節撫孤成立爲娶張氏生子文義甫過  
歲天培復夭姑媳共勵冰操茹荼集蓼大節雙全  
各苦志五十餘年

江氏高氏 江氏邑民陳瑛繼妻夫亡氏年二十  
七矢志守節撫元配劉氏遺孤以明成立婚配旋  
卒遺孫耀龍與媳高氏矢志同貞兩代孤幃一門  
雙節旌表入祀



龔氏鍾氏 龔氏邑民李芳文妻夫亡氏年二十四矢志守節撫夫弟子品特成立爲娶鍾氏舉一子品特復天鍾亦守貞俱苦志六十餘年旌表建坊

龔氏周氏 龔氏邑民曹毓賢妻夫亡氏年二十遺二子矢志守節孝事翁姑子廷高娶周氏生孫志虔廷高歿周氏年二十四亦守節孝事孀姑人稱一門雙節龔氏現年七十二周氏現年五十二王氏董氏 王氏邑民熊翹妻夫亡氏年二十四

溫江縣志

卷二十七

列女

二

矢志守節撫孤白珩入邑庠爲授室生孫尙文甫五月白珩復卒董氏年二十二亦守貞撫孤教子尙文入邑庠大節雙全遠近稱焉王氏卒董氏現年七十八

楊氏丁氏 邑監生程應瑄妻妾楊生子金佑丁生子金廷夫亡楊年二十五丁年二十三守節教子後十餘年金佑完婚生子正榜復天金廷援例從九品任雲南永昌府司獄一門雙節族黨稱賢焉



羅氏鄧氏 羅氏邑民李春華妻夫亡氏年二十九遺子萬全甫四齡其姒鄧氏春秀之妻夫亡氏年二十五遺子萬才甫三齡俱苦志守節躬耕奉親撫孤成立羅現年六十鄧卒年五十一  
郭氏 邑民李春泰妻夫亡氏年二十六矢志守節撫遺子成立現年五十二



溫江縣志卷二十七

列女

烈婦第三

明

李氏 邑貢生任高妻隆慶初高除景陵縣訓導  
 李氏攜二女偕往後遷萬載教諭舟行遇盜劫掠  
 長女絕裾投江李氏隨之次女罵不絕口亦投水  
 死次日三尸浮出顏色如生見者愕然有司合葬  
 之事聞建坊景陵置祭田祀之萬歷初蜀御史孫  
 請建三烈祠以旌之特賜焚獻生員一名以奉祀

溫江縣志

卷二十七 列女

一

國朝

文氏 邑民文元女楊國選妻夫亡遺一子芳甫  
 二歲鄰何兆鳳夜入室欲強汙氏力拒母子被害  
 既死猶抱其子旌表建坊入節孝祠葬邑南八里  
 置有祀田十畝

鄭氏 邑民趙文斌妻年二十四鄰馬明理與爭  
 論口出穢言氏羞忿自縊旌表入祀

蔣氏 邑民黃宗義妻黃允貴圖汙不從遇害旌



表入祀

蕭氏 邑民鄒文富妻年十六因黃向仁語言調戲羞忿自縊旌表入祀

王三女 邑民王獻仁女年十六未字雇工王學禮持刀強汙不從遂遇害旌表入祀



溫江縣志卷二十七

列女

貞女第四

唐

張貞女 年未笄似有娠父疑之逐於外女號泣  
白無穢志父不信女遂剖腹示之乃經書也事聞  
賜建仙女觀在邑北

國朝

向貞女 邑舉人韓城知縣日昇女幼許舉人張

溫江縣志

卷二十七

列女

一

貺子未字張亡女聞訃請於父母素服奔喪哀毀  
盡禮堅志守節撫侄承祧事聞表其坊曰貞女

曾六姑 曾寧美女幼許邑人練琮環未字琮環  
死六姑聞訃泣請於母願奔喪成服守節終身母  
憐其幼不許六姑氣絕者數或勸之輒曰存亡命  
也若懷二心何以見死者於地下必令他適惟有  
死耳每朝夕必焚香醜酒遙奠夫魂練族聞之喜  
致書女父擇日往迎至期中途阻雨時過未至曾  
族諸婦咸誚之六姑亦以練族之誑己也遂自縊



死葬之日柩重不能舉練族往弔者以杯琰祝曰  
女生必欲歸練門豈死猶願同穴耶杯琰果符所  
祝竟輕輦而去所過村鎮咸以金錢爲賻乾隆四  
十五年邑紳士唐欽堯羅上輔等上其事部覆援  
乾隆十九年山西陽曲縣烈女韓開姐例給匾旌  
閭文制軍書貞完不字匾獎之後繼兄子欽孝爲  
嗣入邑庠

車翠蓮 字淨池號蓮房庠生道遠女幼許李慶  
昌未字慶昌死女聞訃奔喪成服禮奉翁姑盡孝

溫江縣志

卷二十七

列女

二

惟謹矢貞十餘年病卒年三十八

李貞女 邑民陳宗元童養妻年九歲適宗元未  
婚宗元死父母欲另字氏矢志不從願事翁姑撫  
宗元弟載元子教養成立現年五十八

雙貞女 邑民徐士寬女長名淑雲次名淑英初  
士寬娶妻劉氏生子登雲及二女而瞽登雲娶妻  
凌氏生子成龍甫三歲而凌氏卒凌氏將死撫子  
泣曰吾死不足惜奈幼子無依何二女慨然曰嫂  
無憂嫂子卽吾子也嫂如不測吾二人願守侄終



身凌氏旋卒二女矢志不適人家故貧饔飧不繼  
登雲拙於生計惟賴二女爲生登雲以子有賴不  
復娶成龍年十七登雲復卒二女守侄成人爲授  
室生二子今淑雲年五十六淑英年五十四矣家  
貧如故二女以鍼黹爲活邑侯李紹祖嘉其義給  
二十金以爲衣食資



溫江縣志卷二十七

列女

孝婦第五

國朝

陳氏 邑人蘆山教諭蘆荃妻事翁姑極孝姑生一子乏乳氏代哺之不辭勞瘁時夫館仁壽姑命偕往氏以姑老不忍離左右後姑病篤割股以進立愈及卒時遺囑家人曰勿惑風水之說必葬我於翁姑之側使得侍九原吾願足矣種種孝行聞

溫江縣志

卷二十七 列女

閣罕聞

見原志

文氏

邑民徐克寧妻賦性幽閒識書籍翁疾醫

藥罔效氏割股以進病旋愈夫病亦割股療治獲全生父文靖病歸寧省疾嘗糞甘苦以驗死生教子鴻德舉明經族黨咸稱其孝卒年八十三

宋氏

邑民程世興妻姑病篤氏割股以進疾旋

愈遠近稱孝婦焉卒年三十二

范氏

邑民戴文煥妻夫家最貧翁姑病篤氏焚

香祝天割股救之悉愈



邱氏 邑監生鄭萬鍾妻性篤孝翁姑俱病疫垂危氏祝天割股救之皆愈

徐氏 邑人鄭培初妻姑卧疾不起氏祝天割股療之旋愈徐十樵寄壻詩云君家孝婦我家女指此也

袁氏 邑民楊汝粲妻家貧夫客外九年不歸氏紡績事姑始終不倦姑有疾不離卧所教二子成人里黨稱孝現年七十七